



Pou Piblikasyon Imedya: 25/10/2022

GOUVÈNÈ KATHY HOCHUL

GOUVÈNÈ HOCHUL ANONSE YO BAY PLIS PASE 48 MILYON DOLA POU AMELYORE SEKIRITE OTOWOUT LA

Sibvansyon yo sipòte sèvis sikilasyon lapolis, inisyativ sou sekirite pasaje timoun ak sekirite otowout

Finansman federal la sekirize pou 580 inisyativ sou sekirite sikilasyon

Finansman an itilize pou kanpay sou edikasyon ak ranfòsman sekirite nan sikilasyon ki vital tankou semèn vitès ak kondui san enflyans alkòl oswa lapolis kanpe ou

Gouvènè Kathy Hochul te anonse ke yo te bay plis pase 48.7 milyon dola nan sibvansyon federal pou sekirite sou otowout pou 580 pwogram nan tout Eta New York. Objektif pwogram sibvansyon sa a se pou bay finansman pou ajans lokal, eta ak òganizasyon san bi likratif yo pou pwojè ki amelyore sekirite otowout an jeneral epi diminye lanmò ak blesi grav akoz aksidan.

"Sekirite sou wout nou yo se yon priyорite prensipal nan Eta New York, epi n ap kontinye travay ansanm ak patnè nou yo nan sekirite sikilasyon pou reprime kondwi iregilye ak irresponsab", **Gouvènè Hochul te deklare**. "Plis pase 48 milyon dola ki envesti nan pwogram enpòtan sa yo pral ede amelyore sekirite pou tout moun ki pataje wout la, epi administrasyon mwen an pral kontinye priyòze pwogram ki vize anpeche trajedi san sans epi kenbe Nouyòkè yo an sekirite".

Kalite efò ki finanse yo enkli pwoteksyon okipan yo; kontwòl nan sikilasyon; sekirite motosiklèt; rejis sikilasyon; pwogram kominotè; pwogram ki afekte chofè ki pi piti yo oswa chofè ki pi gran yo; sekirite pou pyeton; sekirite wout ak efò pou anpeche kondwi avèk kapasite afebli.

Ane sa, yo te bay 48.7 milyon dola pou 580 pwojè ki konsantre sou twa kalite inisyativ sekirite:

44.8 milyon dola pou Sibvansyon Sekirite Otowout:

Yo te bay pwogram eta, lokal ak òganizasyon san bi likratif yo ki kouvri divès efò sou sekirite sikilasyon ki enkli inisyativ sou edikasyon, amelyorasyon nan rejis sikilasyon,

fòmasyon, rekonstriksion aksidan, ak sekirite pasaj chemenfè. Anplis de sa, pwogram yo kouvri prevansyon kont konduit ki distrè, sansibilizasyon sou veyikil k ap deplase dousman ak pwogram pou anpeche kondui ak dòmi nan je epi kapasite afebli. Inisyativ sa yo konsantre sou pwoteje pasaje timoun, pyeton, siklis, atlèt espò a wou, chofè moto, adolesan ak chofè granmoun.

2.6 milyon dola pou sèvis sikilasyon lapolis

Sipòte inisyativ ajans fòs de lòd yo pou reyalize kanpay sou kontwòl sikilasyon sou baz done aksidan yo. Sa enkli patisipasyon nan mobilzasyon nasyonal pou senti sekirite ki rele "Click It or Ticket", ansanm ak lòt inisyativ kontwòl ki vize anpeche moun kondwi ak tout vitès epi nan fason ki agresiv ak distrè, epi ranfòse lwa sou senti sekirite ak dispozitif sekirite timoun.

1.3 milyon dola pou sekirite pasaje timoun

Sipòte edikasyon sou sekirite pasaje timoun, fòmasyon pou teknisyen sekirite pasaje timoun, fè verifikasyon syèj machin nan tout eta a, eksplwatasyon yon pwogram distribisyon syèj machin pou fanmi ki pa gen gwo revni yo, epi etabli estasyon ajisteman syèj sekirite timoun.

Yon repatisyon rejyonal rezulta finansman sibvansyon an anba la a:

Rejyon	Apwouve
Capital Region	\$947,934.00
Central NY	\$589,199.00
Finger Lakes	\$787,372.00
Long Island	\$1,074,918.00
Mid-Hudson	\$1,684,310.00
Mohawk Valley	\$274,993.00
North Country	\$237,386.00
NYC	\$1,857,996.00
Southern Tier	\$305,755.00
Western NY	\$518,943.00
Nan tout Eta a	\$40,476,616.00
Montan Total	\$48,755,422.00

Sibvansyon sa yo finanse pwogram reyisi tankou kanpay ranfòsman "Click It or Ticket". Dapre [Enstiti Jesyon ak Rechèch sou Sekirite Sikilasyon](#) (Institute for Traffic Safety Management and Research) nan Rockefeller College, nan University at Albany, pousantaj konfòmite ak senti sekirite New York te rete nan nivo 90 pousan oswa pi wo depi 2010. Nan yon ankèt an 2022, yo te obsève chofè ak pasaje yo mete senti sekirite nan 91 pousan fwa yo. Dènye mwayèn nasyonal pou konfòmite ak senti sekirite a se 90.4 pousan, dapre [Administrasyon Sekirite Sikilasyon Otowout Nasyonal \(National Highway Traffic Safety Administration, NHTSA\)](#).

Se GTSC ki jere finansman an, ke NHTSA te bay. Ou kapab enfòme plis sou pwogram sibvansyon CFA a [isit la](#).

Komisè Depatman Veyikil a Motè Eta New York a ak Prezidan Komite Sekirite Sikilasyon Gouvènè (GTSC) a, Mark J. F. Schroeder, te deklare, "Finanse inisyativ vital sa yo ede ankouraje sansibilizasyon piblik ak edikasyon sou sijè ki enpòtan tankou bon dispozitif kontwòl pou sekirite timoun ak konpòtman ki danje nan kondui. Sekirite se premye priyорite nou epi nou pa ka tann pou nou kontinye travay enpòtan sa avèk benefisyè nou yo".

Reprezantan Sean Patrick Maloney te deklare, "Se yon bon nouvèl pou New York - apeprè 50 milyon dola ap envesti pou rann otowout nou yo pi an sekirite, ki gen ladan 1.6 milyon dola isit la nan Hudson Valley. Envestisman tankou sa se rezon ki fè m fyè pou ede ekri ak adopte Lwa sou Enfrastrikti Bipatit la. Gras ak Lwa sou Enfrastrikti Bipatit la, New York pral kapab pi byen ranfòse lwa sikilasyon nou yo, amelyore sekirite timoun pasaje epi bay finansman pou yon bann inisyativ sou sekirite piblik la".

Konsènan GTSC

Komite sou Sekirite Sikilasyon Gouvènè a gen ladan 12 ajans kòm manm. Komite a sipòte ak ankouraje pwogram sekirite otowout eta a pou bay transpò san danje pou moun ak machandiz sou wout New York yo. Li kowòdone tou plizyè aktivite sou sekirite sikilasyon pandan ane a, atravè eta a, epi sèvi kòm lyezon ofisyèl eta a avèk Administrasyon Nasyonal Sekirite Sikilasyon sou Otowout.

Pou plis enfòmasyon sou GTSC, vizite <https://trafficsafety.ny.gov/>, oswa swiv konvèsasyon GTSC a sou [Facebook](#) ak [Twitter](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418